



Juli 2021

RUNDA 04



31 općina
u
6 kantona



190
lokacija
pokriveno



1,876 migranata
izvan PPC-a,
od ukupno 1,879
ispitanika

N.B. Brojeve treba smatrati indikativnim jer mogu biti predmet prilagođavanja.

15. jula 2021.godine, četvrta zajednička vježba sprovedena od strane IOM-a u Bosni i Hercegovini (BiH) zajedno sa Službom za poslove sa strancima¹ (SPS) i staratelji čije je prisustvo obezbijedio Save the Children (SCI), kako bi se prikupile informacije o broju migranata i tražioca azila² koji se nalaze trenutno u državi. Svrha ove vježbe je da se pruži okvirni broj migrantske populacije koja nije smještena niti registrovana u nekom od Privremenih prihvatnih centara (PPC) u datom trenutku.

10 timova je sačinjeno od ukupno 33 popisivača (22 muških i 11 ženskih), sa dodatnih 10 SPS inspektora (8 muških i 2 ženskih) i 9 staratelja iz SCI-a (4 muških i 5 ženskih). Vježba prikupljanja podataka je implementirana u 6 kantona na ukupno 190 lokacija³: 101 lokacija u 7 općina u Unsko-sanskom kantonu, 39 lokacija u 10 općina u Tuzlanskom kantonu, 30 lokacija u 6 općina u Sarajevskom kantonu, 16 lokacija u 4 općine u Hercegovačko Neretvanskom kantonu, 2 lokacije u 2 općine u Kantonu 10 i 2 lokacije u 2 općine u Zapadnohercegovačkom kantonu. ([Mapa](#) na str. 2).

DEMOGRAFIJA I LOKACIJE

Ukupni broj identifikovanih migranata na posjećenim lokacijama je 1,879 od kojih je **1,876 izjavilo da nisu smješteni u bilo kojem od PPC-a u BiH.**

Broj migranata obuhvaćenih u četvrtoj vježbi je u skladu sa prijašnjim vježbama provedenim u martu, aprilu i junu 2021. godine ([link](#))⁴. Poredeći prethodne vježbe, varijacije u prisutnosti migranata se mogu objasniti sa određenim faktorima koji su uticali na prikupljanje podataka, kao što je broj uposlenika i posjećenih lokacija te vremenski uvjeti u toku prikupljanja podataka. Interesantan podatak je da u posljednjoj vježbi provedenoj u julu, broj migranata je puno manji od očekivanog, posebno zbog iskustva prijašnjih godina u ovom periodu kada su vremenski uvjeti pogodni. Također, zbog prisutnosti inspektora SPS-a u svim timovima na terenu, postoji mogućnost da su isti doprinijeli smanjenoj prisutnosti migranata na lokacijama ili da je veći broj migranata uspio preći granicu Evropske unije (EU).

Ipak, ono što je bitno istaknuti jeste da **najveći broj migranata koji borave izvan centara** zabilježen upravo u posljednjoj vježbi: **91% u prvoj vježbi, 97% u drugoj vježbi, 99% u trećoj vježbi i skoro 100% u četvrtoj vježbi.**

Afganistan (42%) i Pakistan (32%) su dvije nacionalnosti⁵ sa **najvećim brojem ljudi van centara u BiH**, te Maroko na trećem mjestu sa 8%. Ostale zastupljene nacionalnosti su: Eritreja, Alžir, Bangladeš, Egipat, Iran, Somalija, Irak, Libija, Nepal, Tunis, Kuba, Turska i Gana. Interesantan podatak je da **se nacionalnosti poput Kube i Gane pojavljuju po prvi put u ovoj vježbi.**

Gledajući statistiku prema spolu i dobnoj skupini, podaci pokazuju da većinu migranata izvan PPC-a čine **odrasli muškarci (1,440)**, zatim **odrasle žene (191)**, **dječaci (140)**, i **djevojčice (101)**. Ukupno, odrasli muškarci predstavljaju 77% ukupne migrantske populacije van PPC-a. Kao i u prethodnim vježbama, **najviše djece je porijeklom iz Afganistana (77%)**, zatim iz Pakistana (18%) te iz Egipta i Irana (13%), dok je za ostale nacionalnosti broj dječaka i djevojčica veoma nizak.

1. Služba za poslove sa strancima koja je nezavisna administrativna jedinica unutar Ministarstva sigurnosti je odgovorna strana za registraciju svih stranca na teritoriji BiH, kao i za izdavanje atestacija, uključujući atestacije za one koji izražavaju želju za azilom. Ministarstvo sigurnosti je također odgovorno za upravljanje Imigracionim centrom i privremenim prihvatnim centarima na području BiH.

2. Broj posjećenih lokacija odnosi se na ukupan broj mikrolokacija koje imaju jedinstvene geografske koordinate. Od ukupno 190 lokacija, u 62 nije zabilježeno prisustvo migranata.

3,473 migranta u PPC-ima
1,957 kreveta dostupno u PPC-ima⁶


Od 1,876 migranata bez smještaja u PPC, **1,811 je izjavilo da je ušlo u BiH iz Srbije**, 59 iz Crne Gore, dok za 6 migranata nema podataka. Velika većina migranata (1,191) je izjavila da je ušla u BiH pješke, te ostalim sredstvima prevoza kao što je autobus (648) i taksu (2). Za 35 migranata način transporta je neutvrđen.

Prema lokacijama na kojim su migranti pronađeni, **većina njih se nalazi u napuštenim zgradama (34%)**, zatim u privatnim besplatnim (11%) i plaćenim smještajima (7%), lokacijama na otvorenom (23%) uključujući autobusnu i željezničku stanicu, druge nedefinisane lokacije (19%), plaćenim hostelima (2%) i improviziranim barakama i šatorima (5%). Važno je istaknuti da u većini slučajeva, lokacije gdje su migranti zatečeni su mjesta na kojima zapravo i borave, osim lokacija na otvorenom kao što su autobusna i željeznička stanica, koje ukazuju na tranzit prema drugim lokacijama.

STATISTIKA PREMA SPOLU I DOBNOJ SKUPINI



VEĆINA DJECE DOLAZI IZ



3. Kako nije vršena provjera dokumenata tokom provođenja vježbe, pod migrantima također podrazumijevamo izbjeglice i tražioce azila.

4. Prijašnji izvještaji su dostupni na [Europe | Flow monitoring](#) web stranici, na odjeljku "All reports", pretraga - Bosnia and Herzegovina.

5. Informacija o nacionalnosti je bazirana na deklaraciji migranata prema državnim vlastima.

6. Brojke se odnose na podatke od 15. jula 2021.godine.



PRISUTNOST MIGRANATA IZVAN PPC


Bosna i Hercegovina
15 Juli 2021

est. **1,876** MIGRANATA IZVAN PRIVREMENIH
PRIHVATNIH CENTARA*

190 Posjećene lokacije u

6
Kantona

31
Općina



This map is for illustration purposes only. Names and boundaries on this map do not imply official endorsement or acceptance by IOM.

Source Data: IOM, National Authorities

GEOGRAFSKA RASPOREĐENOST


Većina migranta izvan PPC-a se nalazi na prostoru Unsko-sanskog kantona (USK), dok ih je manji broj prisutan u Kantonu Sarajevo (KS), Tuzlanskom kantonu (TK) i Hercegovačko – Neretvanskom kantonu (HNK). Prisustvo migranata nije zabilježeno na posjećanim lokacijama u Zapadnohercegovačkom kantonu (ZHK) i Kantonu 10. U USK je ukupno identifikovano 1,509 migranata (81%), u KS 194 (10%), TK - 147 (8%), u HNK - 26 (1%).

ZDRAVSTVENE POTEŠKOĆE I RANJIVOSTI

Upitnik je napravljen na način da omogući prikupljanje informacija o pojedinačnim stanjima i ranjivostima prisutnim među ispitanicima. U ovoj rundi predstavljene su nove kategorije – žene samice, te starosna struktura za djecu bez pratnje. Sljedeće ranjive kategorije su identifikovane: **46 djece ispod 5 godina**, **45 djece bez pratnje između 15 i 17 godina**, **12 osoba sa zdravstvenim poteškoćama** (3 sa svrbežom, 2 sa bolovima u stomaku, 1 sa bolovima u leđima, 1 sa problemima sa stopalima, 1 sa iščašenim zglobovima, 1 sa prelomom, 1 sa kožnim oboljenjem, 1 trudnica sa gastroenteritisom i 1 nepoznato), **9 žena samica**, **8 osoba iznad 60 godina**, **8 djece bez pratnje ispod 15 godina** i **3 trudnice**.

GEOGRAFSKA RASPOREĐENOST

UNSKO-SANSKI KANTON KANTON SARAJEVO TUZLANSKI KANTON
HERCEGOVAČKO - NERETVANSKI KANTON KANTON 10 ZAPADNO HERCEGOVAČKI KANTON




Prikupljanje podataka u ovoj vježbi je bilo usmjereno i na vrste medicinskih problema među migrantima koji borave izvan PPC-a, baziranih na posmatranju od strane popisivača. Na ovaj način se pokušava uvidjeti **postoje li nezadovoljene potrebe za medicinskom njegom, te ukoliko su migranti u stanju potrebe za medicinskom asistencijom, da li su istu primili u periodu do održavanja vježbe**. Od 71 migranta koji su izjavili da su u stanju medicinske potrebe, **njih više od 50% (36) je izjavilo da nisu primili pomoć**.

KRAJNJE DESTINACIJE

Za razliku od prethodnih rundi, zemlje koje predstavljaju krajnje destinacije migranata predvodi **Italija (35%)**, **Njemačka (46%)** te **Francuska (12%)**. Navedene 3 zemlje čine ukupno 94% svih krajnjih destinacija koje su navedene od strane migranata.

IDENTIFIKOVANE RANJIVE KATEGORIJE





KRAJNJE DESTINACIJE



*kako je navedeno od strane migranata i tražioca azila

UPUTE ZA DALJNJU POMOĆ I PRISTUP INFORMACIJAMA

Uspoređujući sa prošlom vježbom, **procenat migranata koji su proveli više od tri mjeseca u BiH se smanjio sa 62% na 47%**, dok je procenat migranata koji su proveli više od tri mjeseca van centara unutar države povećan sa 50% na 66%.

Također, kroz dodatna pitanja predstavljena u zadnjoj vježbi, **migranti su izjavili da su u prosjeku proveli 75 dana bez pristupa osnovnim servisima** (izvoru pitke vode, sanitarnom čvoru, higijenskim, prehrambenim i neprehrambenim proizvodima), i boraveći van centara nemaju pristup organizovanim podjelama od strane humanitarnih aktera u državi.


Ipak, **samo 31 (manje od 2%) od ukupno 1,876 migranata izvan PPC je izjavilo da je zainteresovano za smještaj u nekom od PPC-a.**

Poredeći sa prošlom vježbom u kojoj je predstavljen novi set pitanja o informisanju o alternativnim opcijama za migrantsku populaciju koje nude humanitarni akteri u BiH, **procenat migranata koji su upoznati sa mogućnošću dobrovoljnog potpomognutog povratka i reintegracije (AVRR) u matičnu zemlju, koju provodi IOM je skoro upola manji – sa 64% na 37%** od ukupnog broja ispitanih migranata.

29 migranata je izjavilo da su zainteresovani za informacije o AVRR programu jer nisu bili upoznati ranije o istom. Samo 14 migranata (manje od 1%) je izjavilo da su zainteresirani za povratak u njihove matične zemlje preko AVRR.

6 migranata je izrazilo želju za ostanom u BiH, dok je njih **24% (453) izrazilo interes za više informacija o legalnim osnovama i mogućnostima za boravak u Evropi.**

DUŽINA BORAVKA U BIH



6. Za više informacija o metodologiji, posjetite web stranicu IOM BIH

METODOLOGIJA⁶

Displacement Tracking Matrix (DTM) je sistem za praćenje i monitoring migracijskih tokova koji omogućava prikupljanje, obradu podataka kao i redovne i sistematične informacije radi boljeg razumijevanja kretanja i potreba migrantske populacije, kako u raseljenim mjestima, tako i u tranzitu. U BiH, DTM prikuplja podatke o nacionalnosti migranata u tranzitu i prilikom ulaska u državu te podatke i broj migranata smještenih u PPC-ima od 2017 godine, kao dio šireg projekta monitoringa migracijskih tokova kroz Zapadni Balkan na putu ka EU.

Način prikupljanja podataka – 4. vježba

Geografska pokrivenost

31 općina u 6 kantona Federacije Bosne i Hercegovine, odabranih od strane IOM-a zbog velikog broja prisutnih migranata na tim područjima. Ukupni broj posjećenih lokacija u četvrtoj vježbi je veći nego u prijašnjim vježbama, jer su i mikrolokacije uzete u obzir za razliku od prijašnjih rundi kada su lokacije koje su bliske jedna drugoj bile grupirane. Pod mikrolokacijom se podrazumijeva jedinstvena lokacija sa svojim specifičnim geografskim koordinatama.

Ciljana populacija

Stranci koji putuju ili su naseljeni u BiH izvan PPC-a. Migranti koji su već smješteni u neki od PPC-a nisu uključeni u ukupnu statistiku. Legalni status migranata nije ispitivan tako da podaci uključuju sve migrante, izbjeglice i tražioce azila.

Vremenski okvir

Četvrta runda je održana 15. jula 2021. godine.

Popisivači

10 timova i ukupno 33 popisivača (22 M, 11 Ž), sa engleskim, arapskim, dari, farski, turskim i pašto govornim vještinama, zajedno sa 10 SFA inspektora (8 M, 2 Ž), po jedan u svakom timu koji su pružili asistenciju i pristup lokacijama, te 9 staratelja iz Save the Children.

Metode prikupljanja podataka

Anketa je dostupna u printanoj i digitalnoj/online formi na engleskom jeziku. Svi prikupljeni podaci se spremaju na Kobo Server kojim upravlja IOM sa sjedištem u Ženevi. Anketa se sastoji od 5 glavnih dijelova: Ukupni broj migranata koji se nalaze izvan PPC na jednoj lokaciji, spol i dobna skupina za 5 najzastupljenijih nacionalnosti, glavne ranjivosti i zdravstvene poteškoće, glavne rute, transport, krajnje destinacije, iskazivanje želje za smještaj u PPC-ima.

Ograničenja

IOM je upostavio stalnu prisutnost u određenom broju kantona u BiH kako bi mogli pružiti podatke o broju migranata prisutnih van PPC-a u određenom trenutku. Vježba prikupljanja podataka je sprovedena uz određena ograničenja:

1. Geografska pokrivenost je ograničena u određenom broju lokacija i kantona zbog:

- Ograničenog broja dostupnih službenika – unatoč angažmanu SPS i SCI uposlenika u vježbi prikupljanja podataka
- Postojećim restrikcijama pri pristupu određenim lokacijama, posebno u Unsko-sanskom kantonu.

2. SPS prisutnost tokom provođenja vježbe omogućuje pristup većini lokacija ali može ometati učesće migranata na drugim lokacijama i/ili uzrokovati pristrasnost migranata u odgovorima na pitanja.